



Universitätsbibliothek Paderborn

Diplomatvm Belgicorvm Libri Dvo

Le Mire, Aubert

Brvxellis, 1627

92. Controuersiam inter Canonicos & Scabinos Namurcenses de
iurisdictione motam, Guido Comes Flandriae & Marchio Namurcensis
componit, an. 1270.

urn:nbn:de:hbz:466:1-10903

mens III. Cælestinus III. Innocentius III. Honorius III. & Gregorius IX. idem postea statuerunt. Innocentij III. Rescriptum exstat lib. 5. Decretalium.

Ceterum monasterij Alciacensis Aduocatus à primis initijs fuit Comes Flandriæ; ut liquet ex Balduini, cognomento Securis, Flandrorum Comitis diplomate, an. millesimo centesimo duodecimo, Audomaropoli dato:

Notum facio, quod ipsa die, qua Gv ALTERO terram suam reddidimus, Abbatiam S. Siluini, quæ apud Alciacum in honore Dei fundata est, tamquam vnam de Abbatibz terræ nostræ, in propria Aduocatia omnino retinuimus. Vnde ipse Walterus, tactis sacrosanctis reliquijs, in præsentia nostra iuravit, quod quidquid auunculus suus Engelramnus ecclesiæ suæ Alciacensi contulit, & quidquid eadem die, qua ipse terram suam à nobis suscepit, prædicta ecclesia possedit, quietè possidere permitteret.

Flandriæ Comitibus in dicta Aduocatia Comites Artesiæ successerunt: ut patet ex Roberti II. Artesiæ Comitis diplomate an. 1269. dato.

C A P V T X C I I .

Controversiam inter Canonicos & Scabinos Namurcenses de iurisdictione motam, Guido Comes Flandriæ & Marchio Namurcensis componit an. 1270.

NOs Gvido Comes Flandriæ, & Marchio Namucensis, notum facimus vniuersis, quod cùm discordia verteretur inter dilectos nostros, Præpositum, Decanum & Capitulum ecclesiæ B. Albani Namucensis, ipsius ecclesiæ Villicum, Scabinos seu Iudicatores ex vna parte, ac Maiorem Villicum, & Scabinos villæ Namucensis ex altera,

Super eo quod dicti Major & Scabini Namucenses dicebant ad ipsos debere accedere Scabinos seu Iudicatores ecclesiæ prædictæ, pro consilio habendo super suis sententijs proferendis, & quia ipse Major & Scabini Namucenses prædicti de sententijs à prædictis Scabinis seu Iudicatoribus ecclesiæ S. Albani prædicti prolatis possent cognoscere, & easdem sententias confirmare vel infirmare, si ad eos super his fuerit appellatum, prædictis Præposito, Decano & Capitulo,

pitulo, Villico & Scabinis seu Iudicatoribus præmissa negantibus & contrarium affirmantibus.

Nos auditis rationibus utriusque partis, & inspectis priuilegijs ecclesiæ supradictæ, habito prudentum consilio, de communi consensu dictarum partium, super præmissis diffiniendo pronuntiamus in hunc modum;

Quod prædicti Scabini seu Iudicatores ecclesiæ beati Albani, si consilio indigeant super suis sententijs proferendis, non ad dictos Maiorem & Scabinos Namucenses, sed ad nos tamquam ad superiorem Dominum suum sæcularem, vel ad Baluum nostrum Namucensem, si præsentes non fuerimus, venire debent pro consilio obtinendo, & si à sententijs ipsorum Scabinorum seu Iudicotorum ecclesiæ beati Albani appellandum fuerit ad nos, vel ad Bailliuum nostrum prædictum, si præsentes non fuerimus, immediatè debeat appellari, ut sententiæ, à quibus appellatum fuerit, per nos vel Bailliuum nostrum, habentem à nobis speciale mandatum, confirmentur & infirmentur, prout de iure fuerit faciendum.

1270.

Datum in castro Namucensi, anno Domini millesimo ducentesimo septuagesimo, secunda feria post Cineres.

N O T A T I O .

GUIDONIS, eiusque coniugis prioris Mathildis epitaphia in Flinneni virginum cœnobio, ord. Cistertienis, prope Duacum hodie que exstant: quæ ex Gallico Latinè reddita sic sonant: Hic situs est illustris & nobilis Princeps, Guido Comes Flandriæ, fundator huius loci: qui obiit captiivus Compendij, mense Martio an. 1304. & fuit allatus in hunc locum an. 1305.

Hic sita est nobilis & virtuosa domina **MATHILDIS**, Comitissa Flandriæ, domina Bethunie & Teneramondæ, vxor illustrissimi Principis Guidonis, Comitis Flandriæ, fundatoris huius ecclesiæ: quæ obiit anno

Altera Guidonis vxor **ISABELLA** Luxemburgica, an. 1298. die 25. Septembris decepsit, Petegemij iuxta Aldenardam sepulta, in monasterio Clarissarum à se condito.

Cæterum Guido Flandris 26. annis, Namurcensibus 34. annis præfuit, hoc est, usque ad an. 1297. quo Comitatum Namurcensem **IOANNI** filio suo ex Isabella primogenito cessit: ideoque in epitaphio suo non vocatur Comes Namurcensis.

E e e 3

Ioannes

Ioannes porrò Comes Namurcensis duas habuit coniuges; quorum prior Margarita, Roberti à Francia, Comitis Claromontani filia, an. 1308. obiit, altera Maria Artesiensis diu marito superites fuit. Ioannes Parisijs an. 1330. die Veneris ante festum Purificationis viuere desit, sepultus ibidem in templo Franciscanorum; ubi epitaphium olim habuit, ante noui templi extirptionem.

Ioanni successit filius primogenitus **IOANNES II.** illo nomine Comes Namurcensis: quod notat Cronendalius contra Meierum. Cum fratre suo Guidone in Terra sancta, & cum eodem, altero-que fratre suo Philippo in Prussia militauit. Inde rediens, in Germania an. 1335. decepsit, ibidem humatus, quinto principatus sui anno.

Ioanni II. successit **GVIDO II.** frater, qui similiter cœlebs obiit an. 1336. die 12. Martij, in Salesiniensi virginum cœnobio prope Namurcum conditus. Guidonis principatum exceptit **Philipus III.** Comes Namurcensis: de quo infra agemus.

C A P V T X C I I I .

Ioannes I. Brabantiae Dux, eiusq; frater Godefridus, Arschoti & Virsonij dominus, an. 1283. contractum ineunt cum Ioanne Riuira domino, super diuisione iurum in territorio Arschotano.

IOANNES Dei gratia Lotharingiae & Brabantiae Dux, & **GODEFRIDVS** eius frater, dominus de Arschot & de Virson, vniuersitas litteras visuris & audituris salutem in omnium Saluatorem.

Petuit à nobis dilectus fidelis noster, **IOANNES** dictus de **RIVIRA**, ius suum super vniuersis bonis & singulis, quæ tenens est & possidens infra allodium de Arschot, à iure nostro ibidem diuidi & distingui.

Et quoniam super ipso iure, inter nos & ipsum Ioannem, aliquando dissensio existiterit, volentes eidem gratiam facere specialem, & ut eō amplius ad nostrum se promptiore præbeat obsequium, per dilectos & fideles nostros, Henricum de Louanio, dominum de Herstallio, consanguineum nostrum carissimum, Walterum Volckart, milites, Ioannem de Huldeberge clericum, terræ Brabantiae redditum Receptorem, Egidium dictum Zuane, Villicum